

Pier-
pount.
Baronia
de Shel-
ford.

Battaille
of Stoke
1487.

Suthwell.

Tio-vul-
Fingace-
ster.

Tiptoft.

Chawor-
thi, five
De Ca-
durcis,
Cahorsin
Quercy.

Vid. Pag.
141.

1216.

Littlebor-
rough.

Hinc clementi alveo præterit *Trenta* per *Holme* à dominis *Holme Pierpount* dictam, quorum vetus & nobilis est familia, & ex qua Robertus de *Petra Ponte*, sive *Pierpount* inter regni Barones ad Comitia Parliamentaria ad Edw. III evocatus erat: ad *Shelford* præclaræ equestris stirpis *Stanhoporum* sedem, quorum splendor in hoc tractu est magnus & nomen celebre. Baronia vero olim erat *Ranulphi Hanselini*, per cuius filias ad *Bardolphos* & *Everinghamos* descendit. Vnde aquas suas devolvit ad *Stoke* viculum exiguum, sed non exigua strage signatum, ubi Ioannes *Delapole* Comes *Lincolniae*, qui regni hæres à Rich. III destinatus, cum sibi viam ad regnum, Henrici VII interventu præclusam videret, pro ementito principe hic se contra verum Regem seditiose opposuit, & cum suis fortiter occubuit. Haud procul *Suthwell* Collegiata Præbendariorum ecclesia B. Mariae sacra, non splendida illa quidem, sed firma, antiqua, & celebris surgit. Quam Paulinum primum Archiepiscopum Eboracensem fundasse scribunt, cum hujus agri incolas in *Trenta* flumine sacro baptimate Christo regeneraret. Ex quo tempore Archiepiscopi Eboracenses suum hic palatum peramplum, & tria adjuncta vivaria feris referta habuerunt. Hanc civitatem esse quam *Beda Tio-vul-Fingacester* vocat, firmius credo, quod quæ ille de Paulino baptizante in *Trentam* juxta *Tio-vul Fingacester* retulerit, hoc in loco facta fuisse privata hujus ecclesiæ historia constanter affirmarit. Inde ab *Ortu Snite* fluiolus *Trenta* illabitur, qui cum tenuis fit irrigat *Langer Dominis* suis *Tibetotis*, sive *Tiptoftis*, qui postea *Wigornia* Comites, celebrem, & *VViverton*, quæ ab *Heriz* viro hoc in tractu quondam claro per *Brettos* & *Caltostos* ad *Chaworthos* devenit, qui è *Cadurcis* in Gallia nomen, & à Domino de *VValcbergill* stemma deducunt.

Iam *Trenta* se dispescit, & oppidum satis amplum subluit *Newarke*, quasi *Novum opus*, dictum, à novo castro, quod vernantissimum florida constructione castellum, ut vocat *Henricus Huntingdonensis*, construxit Alexander munificus ille *Lincolniensis* Episcopus. Qui, ut antiqui historici verbis utar, *Cum esset cordis lautissimi*, hoc, *¶* aliud expensis profusissimis castellum extruxit. Et quoniam hujusmodi extructio Episcopalem honestatem minus decere videbatur: ad tollendam illius extructiois invidiam, *¶* quasi expiandam maculam totidem monasteria construens, collegis religiosis implevit. Nihilominus hanc vanam in militari Episcopo opum profusionem sua pœna subsequuta est. Stephanus enim Rex, cui nihil prius erat ad nutantem regni statum confirmandum, quam munitiora loca in suam redigere potestatem, eo præsulem istum carcere, & inedia adegit, ut hoc, & alterum ad *Sleaford* castrum, velit, nolit, sibi tandem in manus traderet. Nec aliud quippam hic memorabile accedit, nisi quod Rex Ioannes impeditussum turbulentæ vitæ cursum in hoc confecit. Hinc fluvius se colligens recta in Septentriones, viculis consitus defertur, nec memorandum quicquam habet præsumquam ad *Littleborrough* pervenerit, exiguum quidem oppidum & quod nomini vere respondet; ubi ut hodie frequentissimus est trajectus, ita olim celebris fuit illa *Statio*, sive *Mansio*, cu-

jus Antoninus semel atque iterum meminit, & pro exemplarium varietate & *AGELOCVM*, & *SEGELOCVM* appellatur. Hoc in vicinia frustra jam prius indagavi, sed nunc invenisse prona fide credo, tum quod ad militarem viam sedeat, tum quod adjacens ager mœnium expressa vestigia ostendit, quam plurimosque Romanorum Imperatorum nummos aratoribus indies exhibet, quos quia porci eruncando sèpius detegunt, *Swines penies*; id est *Porcorum denarios* vocant rustici. Qui etiam pro suo captu majores suos agrum illum lapideo muro contra *Trenta* aquas hiberno tempore inundantes incinxisse opinantur.

In Occidua hujus agri parte (*The Sand* vocant) qua *Erwajh* fluiolus *Trentam* petit, *Sterley* olim *Strellegh* se ostendit, quæ familia *Strelliorum* Equestris (vulgus *Stury* vocant) inter hujus Comitatus antiquissimas, & clarissimas cognomen sedemque præbuit. Introrsum *Shirewood*, quam alii *Shirewood*. *Limpidam sylvam*, alii *Præclararam sylvam* interpretantur, omnia olim frondibus adoperuit, arborumque rami complicati ita sylvas commiserunt, ut calles vix singulis pervii essent, nunc vero rario est, infinitas tamen damas, & surgentes in cornua cervos alit, oppidaque habet nonnulla, in quibus *Mansfeld* prælucet, copiosum admodum forum, cuius nomen in argumenti partem arripuerunt aliqui, qui familia *Mansfeldiæ* in Germania suam antiquitatem afferunt, primumque *Mansfeldiæ* Comitem cum Arthuro nostro mensam rotundam celebrasse volunt, & hinc accerfunt. Reges vero nostri huc quondam venandi studio allecti se recipere solebant, &, ut ex Inquisitione antiqua ipsa verba habeas, *Henricus Fauconberge* tenebat *Manerium de Cukene* in hoc Comitatu in *Sergentia* per servitium ferrandi *palfredum Regis* quando Rex veniret ad *Mansfeld*. Ex hac sylva scatent multi rivuli qui *Trentam* petunt, præcipius vero *Idle* censetur, *Idel fl.*

ad quem prope *Idleton* anno Salutis DCXVI Etheredi potentissimi *Nordanhumbrorum* regis felicitas deprehensa plusquam hæsitavit. Cum enim antea felicissime semper pugnasset, hic verfa fortuna cecidit, à Redwaldo Orientalium Anglorum rege debellatus, qui in ejus locum *Edwinum* avito regno exulanter *Nordanhumbris* præfecit. Desertur hic fluiolus haud procul à *Markham*, *Markam*. viculo quidem tenui, sed qui nomen indidit *Markhamorum* familia & vetustate, & virtute quondam admodum insigni, cui maximum decus erat I. *Markham*, qui in summo Angliae Tribunal tanta æquitate justitiae clavum tenuit (quod in historiis Anglicis velim legas) ut gloria nullis seculis intermoriat. Ab hoc sex ad Octasum milliaribus abest *VVorkensop*, lœtissimo Glycyrizæ proventu notum & Comitis *Salopiæ* ædibus præclarum, quas extruxit nostra memoria Georgius *Talbot* Comes *Salopiæ* ea magnificencia quæ Comite tanto digna, & non invidenda. Ad *Talbotos* vero à *Lovetotis* primus hujus dominis sub Normannis, per *Furnivallos* & *Nevillum* cum lauta hæreditate devolutum est. E quibus G. *Lovetot* tempore Henrici Primi Monasterium hic posuit, cuius ruinas ad Orientalem oppidi partem inter lœtissima pascua vidimus; pars vero Ecclesiæ Occidentalis adhuc supereft duabus sacris turribus admodum conspicua. Paulo super-

Qqqq rius

Britannia.